

SDS čájáhusstipeandda, SDS ávnnasstipeandda ja SDS stipeandda vuorrasat dáiddáriidda badjel 67 jagi - láidagat

SDGB' SDS stipeandda oppalaš láidagat:

1. Stipeandda hálldaša ja juohká Sámi Dáiddáriid ja Girječálliid Buhtadusfoanda – SDGB ja čuovvu foandda láidagiid muđui.
2. Stipeanaoážžu galgá váldonjuolggadussan ássat ja doaimmahit barggus Norggas. Go adnojuvvo govttolazžan, de sáhtá spiehkasiit njuolggadusas ássat ja doaimmahit barggus Norggas.
3. Ohcan sáddejuvvo sierra skovis Sámi Dáiddáriid ja Girječálliid Buhtadusfondii ohcanáiggi siste juohke jagi golggotmánu 15. b. Ohcama mielde sáddejuvvo duođaštus 5-10 bargguin mat čájehit dáiddalaš doaimma. Duođaštusat sáhttet leat cd, dvd, muiosáiggi dahje bábirmanjggus/skannejuvvon manjggus. Ii dohkkehuvvo čujuhit ruovttusiidui.
4. SDS Dáiddalaš Ráđđi árvala stipeandda oážžu ohcama ja govvaduođaštusa mielde.
5. Stipeandaoážžu lea geatnegas sáddet jagi loahpas čoahkáiduvvon raportta stipeandda geavaheamis ja stipeandda mearkkašumis.
6. Ohccit guđet eai leat sádden raportta ovdalis ožžon SDGB stipeandda ovddas, sáhttet odđa stipendii massit vuogiatvuoda.

SDS Čájáhusstipeanda

1. Čájehanbuhtadusas juolluduvvo juohke jagi eanemustá guokte-2- (okta) čájáhusstipeandda.
2. Stipeanda juolluduvvo ohcama mielde ovttá sámi govvadáiddárii, dáiddaduojárui dahje dáiddalaš govvideaddjái, guhte váldoáššálaččat ássá ja doaimmá Norggas. Go adnojuvvo govttolazžan, de sáhtá spiehkastiit njuolggadusas ássat ja doaimmahit barggus Norggas.
3. Ohcan galgá sisttisdoallat dieđuid čájáhusbáikki, čájáhusa áiggi, CV jna. birra.
4. Stipeanda juolluduvvo doarjjan sierračájáhusa, joavkočájáhusa (muhtin joavkku dáiddarat guđet seamma báikkis ja seamma áiggis čájehit bargguideaset) dahje bovdejuvvon dáiddáriid bargguin oktasaščájáhus.
5. Sáhtá ohcat doarjaga čájáhusaide mat dollojit dahje álggahuvvojit ovdal čuovvovaš kaleandarjagi ohcanáiggi. Ii addojuvvo doarjja dollojuvvon dahje álggahuvvon čájáhusaide.
6. Stipeanda juolluduvvo ohccái guhte lea juo soahpan čájehanšiehtadusa čájehanbáikkiin. Šiehtadusmanjggus galgá leat ohcama mielde. Čájáhus galgá dollojuvot dahje álggahuvvot čuovvovaš kaleandarjagis.
7. Manjil loahpahuvvon čájehanbaji sádde stipeandaoážžu oanehis raporttaža Sámi Dáiddáriid ja Girječálliid Buhtadusfoandda stivrii stipeandda geavaheami birra.

SDS Ávnnasstipeanda

1. Čájehanbuhtadusas juolluduvvo juohke jagi eanemusta 2 (okta) ávnnasstipeanda.
2. Stipeanda juogaduvvo ohcama mielde muhtin sámi govvadáiddárii, dáiddaduojárui dahje dáiddalaš govvideaddjái.
3. Stipeanda juolluduvvo doarjjan háhkat ávdnasiid dáiddabarggu hábmema atnui. Háhkama bušeahtta galgá leat ohcama mielde. Ii sáhte ohcat doarjaga háhkat reaiduid ja stohpogálvuid.

4. Stipeandaoažžu sádde SDGB stivrii oanehis raporttaža oktan rehketdoaluin daid ávdnasiid ovddas maid lea háhkan.

SDS stipeanda vuorrasat dáiddáriidda geat leat badjel 67 jagi

1. Kopibuhtadusruðain maid SDS oažžu jahkásaččat, juolluduvvo juohke jagi SDS stipeanda vuorrasat govvadáiddárii, dáiddaduojárrii dahje dáiddalaš govvideaddjái gii lea badjel 67 jagi. SDGB stivra árvvoštallá ja mearrida stipeandda sturrodaga juohke goalmát jagi.
2. Stipeandda ulbmil lea movttiidahttit ja addit ekonomalaš friddjavuoða vuorrasat govvadáiddárii, dáiddaduojárrii dahje dáiddalaš govvideaddjái ain joatkit dáiddalaš doaimmain ja ovdánahttimiin. Stipeandda sáhtta maid addit mánggaid jagiid árjjalaš ángiruššama ovddas searvvi bargguid oktavuodas.
3. Stipeanda juolluduvvo ovddemuš dáiddárii gii lea ohcan, muhto sáhtta maid dáid juolluduvvot sámi govvadáiddárii, dáiddaduojárrii dahje dáiddalaš govvideaddjái gii lea badjel 67 jagi, SDSa dahje SDSa miellahtuid evttoheami vuođul.
4. Ohcan dahje evttohus kandidáhtii oažžut SDS stipeandda vuorrasat dáiddárii gii lea badjel 67 jagi, sáddejuvvo sierra skoviin dahje reivve bokte.

Dohkkehuvvon SDS jahkečoahkkimis 1996.SDS- álggahan-, SDS-ávnas- ja SDG-stipeanda leat rievdaduvvon 1997 SDS jahkečoahkkimis. SDS-ávnasstipeanda lea rievdaduvvon 1998 SDS jahkečoahkkimis. SDGB stivra lea divodan njuolggadusaid 25.01.2006. Dohkkehuvvon SDS jahkečoahkkimis 2019.